

COMISIÓN INFORMATIVA ESPECIAL DE CONTAS E DE FACENDA E ECONOMÍA

ACTA da mencionada comisión informativa, correspondente ao día **21 de outubro de 2020**

No salón de sesións do Pazo Provincial, ás 17.30 horas do día 21 de outubro de 2020, reúnese a comisión informativa Especial de Contas e de Facenda e Economía, coa asistencia dos seguintes deputados e deputadas:

Presidente: D. José Miguel Caride Domínguez, **deputado de Democracia Ourensana**

Deputados/as do Grupo Popular:

D.^a Ana María Villarino Pardo

D. Plácido Álvarez Dobaño

D. Álvaro José Fernández López

D.^a Consuelo Vispo Seara

D. Miguel Antonio Cid Álvarez

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado do BNG: D. Bernardo Varela López

Secretario: D. Juan Marquina Fuentes

Interventor: D. José Mosquera Casero

Non asiste a **deputada de Ciudadanos-Partido de la Ciudadanía:** D.^a Montserrat Lama Nóvoa.

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 16 DE SETEMBRO DE 2020.-

Pola Secretaría Xeral deuse traslado do borrador da acta anterior, correspondente á ordinaria do día 16 de setembro de 2020.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa Especial de Contas e de Facenda e Economía do día 16 de setembro de 2020, conforme co borrador elaborado pola Secretaría Xeral.

2º.- APROBACIÓN INICIAL DO ORZAMENTO PARA O EJERCICIO 2021, DO CONSORCIO PROVINCIAL DE OURENSE PARA O SERVIZO CONTRA INCENDIOS E DE SALVAMENTO E A SÚA INTEGRACIÓN NO ORZAMENTO XERAL DA DEPUTACIÓN PROVINCIAL DE OURENSE PARA O EJERCICIO 2021.-

O Sr. interventor expón o contido da proposta.

D. Bernardo Varela López, do BNG, sinala que se trata dun servizo absolutamente necesario, que pode existir algunha dúbida en canto ao xeito de xestionalo, pero que é de vital importancia para a provincia. Aproveita o debate para formular unha serie de dúbidas sobre a xestión deste consorcio, como son se se vai prorrogar o contrato da actual empresa, se se vai proceder a unha nova licitación ou se se vai asumir de forma directa.

D. Aurentino Alonso Araújo, do Grupo Socialista, sinala que ía formular o seu debate en termos idénticos aos do BNG, polo que vai preguntar, que é se se creou xa a comisión para o estudo do medio de xestión do Consorcio e se o director técnico continúa de baixa quen se vai facer cargo das súas funcións.

O presidente da comisión indica que lle dará traslado das preguntas ao presidente do Consorcio e que serán convenientemente contestadas no Pleno da Deputación.

Non se producen máis intervencións e co voto favorable do Grupo Popular e de DO e a abstención do Grupo Socialista e do BNG, a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente o orzamento do Consorcio Provincial de Ourense para o Servizo Contra Incendios e de Salvamento para o exercicio 2021, conforme co proxecto aprobado polo pleno do Consorcio o 24 de setembro de 2020, por importe de 4.311.000,00 €.

O dito orzamento intégrase no orzamento xeral da Deputación Provincial para todos os efectos.

2º.- Someter a exposición pública o orzamento inicialmente aprobado polo prazo de 15 días hábiles, mediante anuncio no BOP. Durante o dito prazo os interesados poderán presentar reclamacións ante o Pleno nos termos previstos no artigo 170 do Texto refundido da Lei reguladora das facendas locais. O orzamento do Consorcio considerárase definitivamente aprobado se durante o dito prazo non se presentan reclamacións; en caso contrario o Pleno da Deputación disporá dun prazo dun mes para resolvelas.

Unha vez aprobado definitivamente o orzamento do Consorcio inserírase, resumido por capítulos, no BOP, entrando en vigor no exercicio 2021.

3º.- EXPEDIENTE DE MODIFICACIÓN DAS BASES DE EXECUCIÓN DO ORZAMENTO DO EXERCICIO 2020, N.º 6/2020.-

O Sr. interventor expón o contido da proposta.

D. Bernardo Varela López, do BNG, sinala que isto non á máis que unha mostra da incongruencia das subvencións nominativas que concede esta Deputación. Supón que existirá motivación deste cambio de obxecto, polo que lle gustaría coñecela.

D. Aurentino Alonso Araújo, do Grupo Socialista, realiza a mesma petición de que se dea a coñecer o informe que motiva este cambio nas subvencións nominativas.

O presidente da comisión sinala en primeiro lugar que este cambio obedece á autonomía municipal dos concellos e sempre por petición deles, e que en todo caso se explicará no Pleno.

D. Bernardo Varela López, do BNG, engade que todo isto se solucionaría cun plan único de cooperación a favor dos concellos, onde eles decidisen en que gastar as cantidades asignadas en cada momento.

Non se producen máis intervencións e co voto favorable do Grupo Popular e DO e a abstención do Grupo Socialista e do BNG, a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente modificación n.º 6/2020 das bases de execución do orzamento, no que se refire á especificación do capítulo VII de gastos, experimentando a seguinte variación cualitativa:

a) Nos orzamentos da Deputación para o exercicio 2020 con cargo á aplicación orzamentaria **450.12.762.01** “Cooperación Provincial. A Concellos subvencións”, prevíase unha subvención nominativa ao concello de Xunqueira de Espadañedo para “Mellora da rúa Vázquez Portomeñe”.

Baseándose na solicitude presentada polo alcalde o 21 de setembro de 2020 con entrada no rexistro electrónico da Deputación o mesmo día, **proponse o cambio da finalidade** da subvención pasando a ser o de “ **Reparación e consolidación do muro de contención do Mosteiro de Santa María de Xunqueira de Espadanedo** ” por importe de 42.300,00 €.

450.12/762.01 “ Cooperación provincial. A Concellos subvencións”

Beneficiario	Finalidade	Importe
Concello de Xunqueira de Espadanedo	Reparación e consolidación do muro de contención do Mosteiro de Santa María de Xunqueira de Espadanedo	42.300,00 €

b) Nos orzamentos da Deputación para o exercicio 2020 con cargo á aplicación orzamentaria 450.12.762.01 “Cooperación Provincial. A Concellos subvencións”, prevíase unha subvención nominativa ao concello de Esgos para “Biblioteca municipal e aula infantil do Concello de Esgos” por importe de 47.000,00 €.

Baseándose na solicitude presentada polo alcalde o 29 de setembro de 2020 con entrada no rexistro electrónico da Deputación o mesmo día , **proponse o cambio da finalidade da subvención** pasando a dividirse en dúas “**Remate no proxecto de construción de velorio municipal**” por importe de 18.000,00 € e para a obra “**Arranxos nos pobos de Vilar de Ordellas e Fondodevila**” por 29.000,00 €.

450.12/762.01 “ Cooperación provincial. A Concellos subvencións”

Beneficiario	Finalidade	Importe
Concello de Esgos	Remate no proxecto de construción de Velorio Municipal	18.000,00 €
	Arranxos nos pobos de Vilar de Ordellas e Fondovila	29.000,00 €

c) Nos orzamentos da Deputación para o exercicio 2020 con cargo á aplicación orzamentaria **450.12.762.01** “Cooperación Provincial. A Concellos subvencións”, prevíase unha subvención nominativa ao concello de Ribadavia para “ Gardería” por importe de 23.500,00 euros .

Baseándose na solicitude presentada polo alcalde o 7 de outubro de 2020 con entrada no rexistro electrónico da Deputación o 9 de outubro de 2020, **proponse o cambio da finalidade** da subvención pasando a ser o de **“Actuacións en infraestruturas educativas no Concello de Ribadavia”** por importe de 23.500,00 €

450.12/762.01 “ Cooperación provincial. A Concellos subvencións”

Beneficiario	Finalidade	Importe
Concello Ribadavia	“Actuacións en infraestruturas educativas no Concello de Ribadavia”	23.500,00 €

2º.- Conforme co previsto no artigo 33.1 c) da Lei 7/1985 LBRL e no art. 70.1 do RD 2568/1986 polo que se aproba o Regulamento de organización, funcionamento e réxime xurídico das entidades locais é competencia do pleno das deputacións provinciais a aprobación e modificación dos orzamentos, nos cales se atopan incluídas as bases de execución destes, de acordo co disposto no artigo 165 do RDL 2/2004 polo que se aproba o texto refundido da Lei reguladora das facendas locais.

3º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerárase definitivamente aprobado se durante o citado prazo non se presentasen reclamacións.

4º.- MOCIÓN DE URXENCIA.- Non se presentan.

5º.- ROGOS E PREGUNTAS.- Non se producen.

E, ás 17.50 horas, dáse por finalizada a reunión, redactándose a presente acta que se asinará electronicamente. Dou fe.

